

欽定滿洲源流考卷五

部族五

靺鞨

南北朝

〔北史靺鞨即古肅慎氏也所居多依山水渠

帥曰大莫弗瞞咄案滿洲語謂長曰達稱老

弗三字當係達瑪法也瞞咄二字與滿珠音相近

括地志靺鞨古肅慎也在東北萬里已下東及北各抵大海

欽定滿洲源流考

卷五

部族

一

〔冊府元龜靺鞨在高麗之北其地在營州東二千里南與新羅相接地方二千里編戶十餘萬兵數萬人北齊武成帝河清二年三年俱遣使朝貢後主天統元年至四年武平元年四年六年並遣使朝貢

後周書高麗北鄰靺鞨

隋

隋書靺鞨國在高麗之北邑落各有君長不相總一凡有七部詳見前條西北與契丹接每

相攻掠後因其使來高祖謂之曰我憐念契丹與爾無異宜各守土境豈不安樂何爲輒相攻擊使者謝高祖因厚勞之煬帝初與高麗戰頻敗其衆渠帥度地稽帥其部來歸拜右光祿大夫居之柳城及遼東之役度地稽率其徒以從每有戰功十三年從帝幸江都尋令歸柳城在途遇李密之亂至高陽復沒於王須拔未幾歸羅藝

冊府元龜開皇元年靺鞨遣使貢方物三年

欽定滿洲源流考

卷五

部族

二

十一年十三年大業十一年並來貢突地稽者靺鞨之長也大業中與兄瞞咄率其部內屬營州瞞咄卒代總其衆拜遼西太守封夫餘侯親來江都屬宇文化及之亂仍歸柳城唐武德二年通使焉

唐

舊唐書靺鞨蓋肅慎之地後魏謂之勿吉在京師東北六千餘里其國凡爲數十部各有長帥而黑水靺鞨

按黑水即黑龍江  
詳見前勿吉條

最處北

方尤稱勁健父子相承世爲君長武德初突  
地稽遣使朝貢以其部落置燕州仍以突地  
稽爲總管劉黑闥之叛也突地稽率所部赴  
定州遣使詣太宗請授節度以戰功封蕃國  
公冊府元龜又徙其部落於幽州之昌平城  
會高開道引突厥來攻幽州突地稽率兵邀  
擊大破之貞觀初拜右衛將軍賜姓李氏尋  
卒子謹行偉貌武力絕人麟德中歷遷營州  
都督其部落家僮數千人以財力雄邊累拜

欽定滿洲源流考

卷五

部族

三

右領軍大將軍爲積石道經畧大使吐蕃論  
欽陵等率衆十萬人入寇湟中謹行兵士採  
樵素不設備忽聞賊至遂建旗伐鼓開門以  
待之吐蕃疑有伏兵竟不敢進上元三年又  
破吐蕃數萬衆於青海降璽書勉勞之累授  
右衛大將軍封燕國公永淳元年卒贈幽州  
都督自後或其長自來或遣使朝貢每歲不  
絕其白山部素附於高麗因收平壤之後部  
種多入中國汨咄安居骨室等部亦因高麗

破後並爲渤海編戶惟黑水部全盛分爲十六部開元十三年安東都護薛泰請於黑水靺鞨內置黑水軍續更以最大部落爲黑水府按渤海傳作開元十四年與此小異仍似其首領爲都督諸部刺史隸屬焉中國置長史就其部落監領之十六年其都督賜姓李氏名獻誠授雲麾將軍兼黑水經畧使仍以幽州都督爲其押使自此朝貢不絕

〔舊唐書〕百濟傳永徽六年新羅王金春秋表

欽定滿洲源流考

卷五

部族

四

百濟與靺鞨攻其北界沒三十餘城

〔舊唐書〕高麗傳貞觀十九年太宗次安市城

高麗北部耨薩高延壽等率高麗靺鞨之衆十五萬來援安市乾封九年分高麗故地置都督府九又置安東都護府以統之自是高麗舊戶分投靺鞨

〔舊唐書〕鐵勒傳鐵勒國東至靺鞨西至葉護

太宗征高麗鐵勒遣使請發兵助軍高麗莫離支潛令靺鞨陷以厚利不敢動

〔新唐書〕地理志靺鞨州三府三愼州武德初

烏索固部落夷賓州乾符中以愁思嶺黎州

置僑治良鄉作載初二年析愼州置僑治良鄉按原文黑

水州都督府渤海都督府安靜都督府右初

皆隸營州都督府李盡忠陷營州乃遷愼州

於淄青之境夷賓州於徐州之境黎州於宋

州之境神龍初乃使北還二年皆隸幽州都

督府

〔通典〕古時肅慎後魏以後曰勿吉唐則曰靺

欽定滿洲源流考

卷五

部族

五

靺焉按靺鞨字作靺與諸史異

〔冊府元龜〕唐武德五年靺鞨帥阿固郎來朝

七年九年貞觀三年並來朝貢五年黑水部

獨來自此每歲朝貢開元元年靺鞨王子來

朝請就市交易入寺禮拜許之二年拂涅靺

靺首領失異蒙越喜靺鞨首領烏施可蒙鐵

利靺鞨首領闔許離等來朝迄開元天寶之

世一歲或二三至十年拂涅部靺如價鐵利

部買取利來朝並授折衝越喜部茂利蒙鐵

利部可婁計黑水部倪屬利稽來朝並授中  
郎將十一年越喜部勃施計拂涅部朱施蒙  
鐵利部倪處梨來朝並授郎將十二年鐵利  
部淚池蒙來朝授將軍越喜部努布利拂涅  
部魚可蒙並授郎將黑水首領屋作箇授折  
衝越喜部復遣使破支蒙來賀正旦十三年  
黑水部遣其將五郎子來賀正授將軍鐵利  
大首領封阿利越喜部苾利施拂涅部薛利  
蒙來朝黑水大首領烏素可蒙授折衝諾箇

欽定滿洲源流考

卷五

部族

六

蒙授果毅職紇蒙授郎將十五年鐵利部米  
象來朝授郎將失伊蒙授果毅十八年黑水  
部遣使阿布科思又作阿利獻方物倪屬利稽  
等十人來朝授中郎將拂涅部兀異獻馬四  
十匹授左武衛折衝留宿衛二十四年越喜  
部首領聿棄計授折衝二十五年拂涅首領  
兀異授中郎將二十八年越喜部遣其臣野  
古利鐵利部遣其臣綿度戶獻方物二十九  
年越喜部遣烏舍利黑水部遣阿布利稽拂

涅部遣那棄並來朝大曆二年至十二年建  
中八年並遣使朝貢建中十九年虞婁越喜  
並來元和十年黑水部長十一人來案冊府  
謂能鞞曰鞞人名以滿洲語考之如謂好曰賽烏  
謂能鞞曰鞞人名以失異蒙音近工於甲者曰賽烏  
莽阿紳與茂阿與烏施可蒙音近善騎者曰摩琳  
聰利音近羽曰毛豐滿曰阿豐阿拉與封阿利甚能  
與曰米諾象凱音莽阿與諾簡蒙音近稱兀異音近密色  
有譯可訂訛也尚

冊府元龜高宗儀鳳中授高藏爲朝鮮郡王

欽定滿洲源流考

卷五

部族

七

授夫餘隆爲帶方郡王並遣歸遼東以輯高  
麗百濟餘衆高藏旣至謀叛唐與靺鞨相結  
召還流邛州其地沒與新羅餘衆散投突厥  
及靺鞨夫餘隆亦不敢歸舊國土地盡沒於  
靺鞨高氏夫餘氏君長遂絕上元二年劉仁  
軌破新羅之衆於七重城又以靺鞨兵浮海  
而南畧新羅之南境斬獲甚衆開元八年九  
月遣左驍衛郎將攝郎中張越使於靺鞨以  
將討奚及契丹也開元十二年新羅王弟□

忠信上表請攻靺鞨帝許之

〔太平寰宇記〕靺鞨在高麗北古肅慎地隋初有使來獻謂卽勿吉也唐武德三年部長突地稽遣使朝貢以其部置燕州拜爲總管其後黑水部全盛分爲十六部落黑水西北有思慕靺鞨正北微東十日程有郡利靺鞨東北十日程有窟說靺鞨亦謂之屈設東南十日程有莫曳皆靺鞨今黑水靺鞨界南至渤海國德里府北至小海東至大海西至室韋

欽定滿洲源流考

卷五

部族

八

南北二千里東西千里初太宗謂侍臣曰靺鞨遠來盖突厥降朕所致也其拂涅等部唐初至天寶未亦嘗朝貢或隨渤海國而來惟郡利莫曳皆二部未至

〔通考〕唐武德五年靺鞨渠長阿固郎始來太宗貞觀二年以其地爲燕州帝伐高麗其北部與高麗合率衆援安市城每戰靺鞨常居前開元十年其帥倪屬利稽來朝拜勃利州刺史於是置黑水府以部長爲都督刺史訖

帝世朝獻者十五大歷世凡七貞元一來元和中再初黑水西北又有思慕部益北行十日得郡利部東北行十日得窟說部稍東南行十日得莫曳皆部又有拂涅虞婁越喜鐵利等部其地南距渤海北東際於海西抵室韋南北袤二千里東西千里其後渤海盛皆役屬之

### 五代

〔五代史〕黑水靺鞨本號勿吉當後魏時見中

## 欽定滿洲源流考

### 卷五

部族

### 九

國其國東至海南界高麗西接突厥北隣室韋盖肅慎氏之地也同光二年黑水首領兀兒遣使者來其後常來朝貢自登州泛海出青州其部族世次史皆失其紀

按索倫語謂山曰烏呼與

兀兒音同黑水部至廣而兀兒所部史失其紀以音譯考之當與今索倫近也

〔五代會要〕黑水靺鞨海盖肅慎之地在京師東北六千餘里東至於海西接突厥南界高麗北隣室韋其國凡有十部各有統帥而黑水最處北方尤稱勁健天成四年八月遣使骨

至按骨至當為郭濟之來貢方物以骨至為

歸德司戈遣還長興元年二月其首領兀兒

復遣使朝貢二年五月青州奏黑水兀兒部

至登州賣馬

冊府元龜後唐同光二年九月黑水國遣使

朝貢三年黑水胡獨鹿按滿洲語令急速曰呼都拉與胡獨鹿音

近等遣使朝貢三年青州奏市到黑水馬三

十四匹

遼

欽定滿洲源流考

卷五

部族

十

遼史太祖天顯元年靺鞨來貢太宗會同元年靺鞨來貢

遼史兵衛志屬國軍有靺鞨部朝貢無常有

事則遣使徵兵或下詔令專征助軍多寡各

從其便

遼史地理志唐載初元年原本作載初二年蓋沿唐志之誤謹

改析慎州原本慎訛鎮今據唐地理志改置黎州處靺鞨部

落後為奚人所據遼為榆州

金

〔金史〕世紀靺鞨本號勿吉隋稱靺鞨而七部並同唐初有黑水靺鞨粟末靺鞨其五部無聞粟末靺鞨後稱渤海黑水靺鞨居肅慎地東瀕海南接高麗嘗以兵十五萬助高麗拒唐太宗開元中置黑水府賜都督姓李氏名獻誠領黑水經畧使其後渤海盛強黑水役屬之朝貢遂絕五代時契丹盡取渤海地而黑水附於契丹其在南者籍契丹其在北者不在契丹籍地有長白山黑龍江所謂白山黑水是也

欽定滿洲源流考

卷五

部族

十一

元

〔元史〕地理志開元路古肅慎之地隋唐曰黑水靺鞨其後渤海盛役屬之渤海爲契丹所攻黑水復有其地謹按靺鞨後魏謂之勿吉其名始見於南北朝北史合爲一傳至隋唐則專爲靺鞨傳武德以後遂無復勿吉之稱其七部卽勿吉之七部也迨後分部愈廣至有數十最强者爲

粟末黑水粟末部大氏既興改稱渤海

另後條詳

靺鞨自後魏以來邑落各有君長不相統一其與隋唐諸國使命相通者特其一部一邑即唐時都督刺史之授亦不過假借虛名以通互市往來之便實未有能統而一之者後或分屬契丹猶然散處而黑水一部實在今薩哈連烏拉之境唐時即已獨盛又自分爲十六部至五代時改稱女真兼靺鞨諸部而有之而完顏氏

另條詳後

世君其地未嘗一日屬

### 欽定滿洲源流考

#### 卷五

部族

#### 十二

契丹也其部族之可考者若思慕郡利窟說莫曳皆虞婁越喜鐵利等皆是

案今黑龍江將軍所屬有

錫呼穆第河有庫裕爾河與思慕窟說音相近當皆以水得名八旗姓譜有裕嚕氏當即

虞婁之轉音上溯挹婁亦相近也又滿洲語謂全部之部音曰約希謂隊伍曰默音謂理曰

堅與越喜莫曳皆音亦近

中間渤海盛時亦有侵併若越

喜故地之爲懷遠安遠二府領達越等十三州鐵利故地之爲鐵利府領廣汾等六州而遼地志載新興縣本越喜國地遼本紀鐵驪國屢通貢使至天祚不絕是越喜入遼而鐵

利復自立國迄於金世猶存利與驪音同續  
通考乃云不知其所始非也虞婁當卽挹婁  
之轉音思慕等部亦當在今黑龍江左右至  
唐書言白山部分散入中國而遼志有長白  
山女真三十部稱號雖殊山川可考金源盛  
而諸部始歸於一焉爾

欽定滿洲源流考

卷五

部族

十三

欽定滿洲源流考卷五